

# 1 Tesalonicenses

Mamabuinore coyuiyebu Pablo bácu ũi toivaicōjeiye báquede mamayoca paperayocare Tesalónica āmicurīimarocavū Jesúre ju aipōevare. Pablo bácu judíovacacū bácuvacari, Jesús ũi yávaiye méne beorī coyucōjeimū marejaquémavū, coyucuyū ũi yávaiye méne judíova ānevure, judíova ne ju abe boje ũi coyuiyede. Lucas bácu coyurejaquemavū Pablo bácu borore Hch 7:57-8:1, 9:1-31, 13:1-28:31, aru ũi cuede Tesalónica āmicurīimaroi Hch 17:1-10, 20:1-5. Caiye iyoca, Pablo bácu toivaicōjeiyoca báque curiyoca Majeracu Jūmenijicūi yávaiye mamaene coyuitucubo jívuī, mamarumūre ũre toivacaipōescu bácuire toivaicōjeneaquemavū iyoca paperayocare ũi toivaicōjeiquiye jipocare apeyocare. Pablo bácu coyurejaquemavū ũre toivacaipōescu bácuire aipe ũi toivacaquiyē báquede diyocare. Toivaicōjeneaquemavū diyocare āniujūa báquede 50-51 d.C. puque ũi cucunuiyede, coyucuyū Jesús ũi yávaiye méne, ũi cuede Corinto āmicurīimaroi.

Pablo bácu toivaicōjeneaquemavū diyocare ũi cucunuiye eabe boje Tesalónicacavū ne yebai aru Timoteo bácu coyuiye boje ne borore ũi mácuire (2:17-3:6). Coyurejaquemavū náre méne ne parure nuiye boje Jesucristoque, dajocabevūva ne ju aiyede aru ne ñaiye boje yópe ũi ũrōpe (1:2-10, 3:7-9). Coyurejaquemavū náre aipe ñare nuiye jaurōre náre yópe Jūmenijicūi ũrōpe (4:1-12, 5:12-22), aru ne majibeno mácarōre Jesucristoi copaidaquino maquinóra aru ũre ju aivure ne yainíburu nacajarajiyeda (4:13-5:11). Aru ārure ñarejaquemavū ina Tesalónicacavūre aipe ũi ñaiye báquede ne jēneboi, ne ju abenajiyepē ayū apevū borocuede coyurīduivure Pablōjā ne borore (2:1-16).

## Pablo ũi meaicōjeino Tesalónicacavūre (Hch 17.1)

**1** <sup>1</sup>Yū, Pablo, toivaicōjeivū aperecure iyoca paperayocare. Silvano aru Timoteoque yū meaicōjeivū mujare, Tesalónica āmicurīimarocavū Jesucristore ju aipōeva cójijivaivure. Mūja majeracu Jūmenijicūi aru maje jabocū Jesucristo jinatamu mūja. Majeracu Jūmenijicūi, maje jabocū Jesucristomaque, mearo ñacajacurī mujare bojecūbeda ũi me boje. Aru torojurivū cure ñajacurī mujare cārijimevūva.

## Tesalónicacavū ju aipōevape ne jádovaino (Hch 17.5-9)

<sup>2</sup>Torojūede jívūbu ñūja Jūmenijicūre cainūmūa jēniaiye coapa caivū mujare, mūje ju aiyē boje Jesúre. <sup>3</sup>Ñūje

coyuiyede majeracu Jūmenijicūque, ñūja ārurivūbu mūje memeinore, mūje ju aiyē boje Jesúre. Ñūja dáriaivūbu mūje memecainore apévure, mūje ne boje Jesúre aru náre máre. Ñūja ārurivūbu mūje napini ñājiyede, mūje coreiye boje maje jabocū Jesucristoi copaidaquijāravure. <sup>4</sup>Mūja, ñūjevū, coreóvaivūbu ñūja mujare Jūmenijicūi umarare. Ñūja majivū mujare Jūmenijicūi beoimarare, ũi jivū bárājivure. <sup>5</sup>Jesús ũi yávaiye méne coyucarā mujare. Ūbenita buebetecarā mujare diede quénora yávaiyeque. Quénora jáðovacarā ñai Espirito Santo ũi paruéde pōeva ne ñarī majibede ñaiyeque. Jáðovacarā ñūje majiéde máre yavebeda Jesús ũi yávaiye méne jāvene. Ārūjara ñavure me ñūje cuede mūje jēneboi, aru ñūje cadateiyede mujare.

<sup>6</sup>Mujacapuravū ñavū me ñūjape aru maje jabocū Jesucristope máre. Yópe ñūje ñaiyepē me ñājivureca, nopedeca

mujá máre ñájivavacari ðaðavũ me. Mujé ju aye boje Jesús ùi yávaei méne, apevu ñájine ðaíma mujare urarõreca. Ëbenita ñájiye cuedeca jacopuavũ mujá Jesús ùi yávaei méne torojurí. Aru ñai Espíritu Santorecabe torojure ðayu mujare iye torojueque. <sup>7</sup>Que baru caivu ina Jesúre ju aipõeva Macedonia aru Acaya âmicurijoborõacavu, jápiaivu mujé borore, ðaivubu me mujare. <sup>8</sup>Mujavacari majide ðaivubu põevare maje jabocu Jesucristo ùi yávaei méne. Que baru nora jápiaðama mujé borore ina Macedoniacavu aru ina Acayacavu máre. Ëbenita obedivu apenoacavu máre majidivubu mujá ju aivure Jümenijicure caride. Que baru coyüye jaubevu ñujare apevure mujé borore, jave ne majié boje. <sup>9</sup>Quénora caivu ina põeva coyuyama mujé jacopüiyede ñujare me, ñuje eaiyede mujé ïmaroi. Coyuyama mujé dajocaiyede mujé pëpeimarare, memecaräjivü ñai Jümenijicu apucure aru jávene máre. <sup>10</sup>Coyuyama mujé napini coreiyede máre uetubevüva Jümenijicui mácure, copaidacuyure ijäravui cavarõ mearo Jümenijicui curõre jocarí. Ñai Jesúrecabe Jümenijicui mácu. Ëi yainíburu yóboi, Jümenijicu nacovarejaquemavu ùre yainore jaruvári. Ñai Jesús meadayu majare, maje ñájiemenajiyeye ayu Jümenijicui ñájiovaquijäravu baquinóre põevare, ne ãmeina teiye boje.

**Pablo Tesalónicai ùi memecaino**

(Hch 9.23, 29, 13.45, 50, 14.2, 5, 19, 16.19-24, 17.1-9, 13, 18.3, 12; Gá 1.10; 2 Ts 3.8)

**2** <sup>1</sup>Mujá, ñujevü, mujavacari coreóvaivubu ñuje daiyede mujé ïmaroi, me jápiaivure ñuje coyüiyede. Que baru ñuje ðaiye mujé yebai bojecube ãmeteavũ. <sup>2</sup>Aru mujavacari coreóvaivubu javede ñuje cuede Filipos âmicuriïmaroi, nócvu ne jabova ne ðaiyede ñujare. Nájine ðaíma ñujare. Aru ãmeina yávaíma ñujare máre. No yóboi, ñuje eaiyede mujé ïmaroi,

obedivu põeva maucuvateima ñujare. Ëbenita Jümenijicu coyüicõjeame ñujare jidubevüva. Aru ne maucüvaede ñujare, coyucarã mujare ùi yávaei méne, Jesús meadayure põevare. <sup>3</sup>Ñuja buebevü mujare jáve ãmene. Aru buebevü ãmeümeque máre. Aru jujovabevü põevare ñuje bueiyequé. <sup>4</sup>Quénora Jümenijicui me jáiye boje ñujare, ù beoibi ñujare, ñuje buenajiyeye ayu põevare Jesús ùi yávaei méne. Que baru cainüma bueivubu yópe Jümenijicui bueicõjeiyeye. Buebevü ñuja, põeva ne me járajiyeye aivu ñujare. Quénora bueivubu ñuja, Jümenijicui me jáquiyeye aivu ñujare. Jümenijicurecabe majicu maje dápiayede. Que baru Jümenijicu jáimi põeva ne ðaiyede aru ne dápiayede máre.

<sup>5</sup>Mujavacari coreóvaivubu ñuje ðaiye báquede mujé jëneboi. Cainüma yávabecarã, jujovaräjivü mujare, mujé ðaräjiyeye aivu yópe ñuje urõpe. Buebetecarã mujare quédata ïnajivü mujé ãtuturare. Jümenijicüvacari majibi ñuje ðaiye báquede mujé jëneboi. <sup>6</sup>Põevare pueðaicõjemetecarã ñujare. Vobetecarã ñuja mujare aru apevure máre, mearore jíyede ñujare. <sup>7</sup>Ñujamu Jesús ùi yávaei méne beorí coyüicõjeimara. Que baru ñuja ðaicõjeni buoiaivubu apevure. Ëbenita ðaicõjemetecarã mujare. Quénora meara põevape cütecara mujé jëneboi. Yópe népacoí meðaiyeye mamarare meadacarã mujare. <sup>8</sup>Ñuje urarõ jecué boje mujare, torojurí buecarã Jümenijicui yávaei méne. Aru caiyede ðaiyutecarã, caðatenajivü mujare pu ñuje yainümita. Que baru ñuje pare jecumaramu mujá. <sup>9</sup>Mujá, ñujevü, mujavacari ãrurivubu ñuje pare memeni voinore ñujare jauéde. Ñuje cuede mujé jëneboi memecarã ñuja jàravure aru ñamine máre, mujé ñájiemenajiyeye aivu, bojeðaivu ñujare jauéde ñuje bueiyede Jümenijicui yávaei méne mujare. <sup>10</sup>Mujavacari jáivubu, aru Jümenijicu máre majibi ñuje ðaiye báquede mujá Jesúre ju aipõevaque. Caiye ñuje ðaiye

báquede mujare ðacarã mearoque yópe Jūmenijicure memecaivupe. Aru caiye ñuje ðaiye báquede mujare meatevu Jūmenijicui jáinore. Que baru ñame buojabema boropaðaivu ñujare ñuje ðaiye báquede muje jēneboi. <sup>11</sup>Mujavacari coreóvaivubu ñuje ðaiye báquede mujare coapa yópe népacu ñi ðaiyepe mamarare. Bueivu batecárã mujare, muje torojure ðarājiyepe aivu. Cadateivu batecárã mujare, muje chīomenajiyepa aivu. <sup>12</sup>Aru ðaicójeivu batecárã mujare yópe ina Jūmenijicu jina ne ðaiye jaurópe, Jūmenijicui torojūquiyepa aivu mujaque. Jūmenijicurecabe cutuyū mujare meara márajivure aru ñi jaboteinocavū bárājivure máre.

<sup>13</sup>Ñuja jívubu torojuede Jūmenijicure cainumua muje jápaiye báque boje ñujaque Jūmenijicui yávaiye méne. Dápiabeteavū muja pōeva ne yávaiyepe iye yávaiyede ñuje bueiye. Quéhora ju ávū muja diede Jūmenijicui yávaiyepe. Aru jāvetamu ñuje bueiye Jūmenijicui yávaiyede. Que baru Jūmenijicu oatuvayūbe mujare me, muje ju aiyede ñi yávaiye méne.

<sup>14</sup>Muja, ñujevu, muje ímarocavū ñájine ðávū mujare nópe ina judíova ñájine ðaiye báquepedeca ina Jesúre ju aivure Judea āmicarijborócavure. Cūináturu vaivu mujare máre. <sup>15</sup>Ina judíova, nárecabu boarí jaruvaivu bācavū maje jabocu Jesucristore. Javede ina judíovavacari boarí jaruvarejaquemavu ina Jūmenijicui yávaiyede coycaipōeva mácavure máre. Aru caride máre ina judíovavacari ñájine ðarí jaetovaðama ñujare máre. Ne que ðaiyeque jorojīne ðaivubu na Jūmenijicure. Aru maucavariyubu caivu apevu pōevare máre. <sup>16</sup>Ina judíovavacari ñujare coyicójemenuivubu Jūmenijicui yávaiye méne ina judíova ānevure, ne meatebenajiyepa aivu. Que teni buojavubu caiye ne āmeina teiyede. Que baru caride űetuii Jūmenijicu jáñu ðaivure āmeno. Que baru ñájine ðacuyūme náre.

**Pablo ñi jácunuiyurō  
Tesalónicacavure cojedeca**  
(Hch 17.5, 18.5)

<sup>17</sup>Muja, jívū, ñujare coatede ðaima ñuje mauva mujare jaruvarí. Cūicójemeteima ñujare mujaque. Ŭbenita āruicójemeni buojabema na ñujare. Que baru cainumua ārurivubu mujare. Maje coateniburu yójiñboi, ñuja chīori āruteclarā mujare. Járadaiyuríducarā mujare. <sup>18</sup>Ñuja copainuiyuríducarā muje yebai, járajivu mujare cojedeca. Cainumua yāvacari, Pablo, mujare jácucopaiyuríducacu. Ŭbenita ñai abujuvai jabocu, Satanás, ñicójemetequemavu ñujare. <sup>19</sup>Ŭbenita ñuja torojurājaramu mujare boje maje jabocu Jesucristo ñi copaidaquiyede. Mujarecabu napini corede ðaivu, ñuje cuvarājiyepe aivu mearore. Mujarecabu torojure ðaivu ñujare. Aru mujarecabu ñuje jáðovaimara mearore ñuje bueinore, ñuje bueiye boje muje jēneboi. <sup>20</sup>Jāve mujarecabu ñuje mearore jímara aru ñuje torojumara máre.

**3** <sup>1</sup>Ŭbenita ñuja napini buojabetecarā jámevu mujare. Que baru cūináturu ñuje űme majitecarā ñuje ðarājiyede. Ñuja pucarā mauteclarā Atenas āmicarímaroi. <sup>2-3</sup>Aru jarocarā ñai majecu Timoteore muje yebai. Ŭ yóvaibi ñujare memecayū Jūmenijicure, coyuyū Jesús ñi yávaiye méne. Que baru jarocarā űre cadatecuyure mujare, aru parure ðacuyure mujare máre muje űmei, muje ju ainore Jesúre pueno baju parurō nure ðacuyure, muje dajocabenajiyepa aivu muje ju aiyede Jesúre, pōeva ne ñájine ðaiye boje mujare. Mujavacari coreóvaivubu me majare ñájīye jauróre. <sup>4</sup>Javede ñuje cuede mujaque, coyucarā maje ñájinajiyede. Aru mujavacari coreóvaivubu me jave vaivu majare yópe ñuje aiyé báquepedeca. <sup>5</sup>Que baru yácapūravū napini buojabetecacu coreni majibecu cāreja muje borore. Que baru jarocacu ñai Timoteore, coreóvacuyū aipe curivure muja yópe iye yávaiye

méne coyuiyepe muje ju aiyede. “Ñai abujuvai jabocu jujovaiyucubebu náre. Aru ñuje bueiye báque náre bojecubejebu”, arí dápiacacu yu.

<sup>6</sup>Caride Timoteo copaidaibi mujare jocarí. Ñi coyuiyede ñujare muje borore torojure ñai ñujare pare. Coyuibi aipe ju aivure Jesúre aru aipe urivure muje bajumia máre. Coyuibi aipe torojurí arurivure ñujare cainumua aru aipe jáiyurivure ñujare máre, quédeca ñija máre járanuyuvu muje yebai. <sup>7</sup>Que baru muja, ñujevu, iye ñi coyuiyede muje borore parure ñai ñujare ñuje ñmei, caiye iye ñáine ñaiye cuedeca yui ñuje jéneboi. <sup>8</sup>Caride ñija coreóvaivubu jáve ju aivure muja Jesúre. Muja dajocabenajivubu maje jabocu Jesucristore. Que baru me curí torojurivubu ñija. <sup>9</sup>Uraró torojuede jívubu ñija Jümenijicure mujare boje. Ñuje coyuiyede Jümenijicure pueno baju torojurivubu, muje ju aipe boje Jesúre paruróreca. <sup>10</sup>Jaravure aru ñamine máre paruró jéniaivubu ñija Jümenijicure, mujare ñi járanure ñaiyeyepa ayu ñujare, buenajivu cojedeca mujare iye muje coreóvabede cáreja. Jéniaivubu diede, muje me majinajiyepa aivu aipe ñaiye jauróre muje cuede yópe Jümenijicui uróre.

<sup>11</sup>Jéniaivubu majepacu Jümenijicure aru maje jabocu Jesúque máre, ne nure ñaiyeyepa aivu ñujare muje yebai. <sup>12</sup>Aru maje jabocu Jesús pueno baju uraró nure ñajacurí mujare muje uede muje bajumia aru apevure máre, muje uburí apevure me yópe ñuje uere mujare. <sup>13</sup>Que teni parure ñajacurí mujare muje ñmei, ñame ne buojabenajiyepa aivu boropadaivu mujare muje meara mae boje majepacu Jümenijicui ñi jáinoi maje jabocu Jesús ñi copaidaquijaravu baquinói ñi jivu mearaque. Quédecabu.

**Pablo “Jümenijicure torojure ñaiyurivu, yópe ñajará” arí, ñi coyuíno**

**4** <sup>1</sup>Muja, ñujevu, maje jabocu Jesús ñujare bueicójeimi mujare

cojedeca yópe ñuje bueiyepe mujare javede. Coyuivubu mujare, muje me majinajiyepa aivu aipe jauróre muje ñaiyede, Jümenijicui me jáquiyepa aivu mujare. Caride ñadavü muja yópe Jümenijicui uróre. Que baru paruróreca jéniaivubu ñija mujare, muje ñarajiyepa aivu yópe Jümenijicui uróre pueno baju cainumua. <sup>2</sup>Mujavacari coreóvaivubu buevure ñija mujare yópe maje jabocu Jesús ñi bueicójeiyepe. <sup>3</sup>Yópe ñi ñai Jümenijicui: Muja coapa ñajará mearore cainumua. Meara májara muja, ñi jina muje teiye boje. Que baru cubejará muja apevunque mujemarebucava ámevunque. <sup>4</sup>Me curará muja coapa mujemarepacoque Jümenijicui jánore aru póeva ne jáiyede máre. Puedajará muja coapa mujemarepacore. <sup>5</sup>Ñabejará nápe ina Jümenijicure coreóvabevure. Ñadama na ámenore, Jümenijicui ubenore, ne puedeiye majibe boje nomivare. Ñadama ámenore náque. <sup>6</sup>Que baru jujovabejará muja apecu mujecure, ámeno ñaiyu jimarepacoque. Javeita ñija coyucará mujare paruróreca aipe maje jabocu Jümenijicui ñáine ñaiyeyepa caivu ina nópe ámeno ñaiyevure. <sup>7</sup>Jümenijicui cutuibi majare ñi jina márajivuvu. Que baru buojabevu maja curivu ámeümeque. Quéhora maje meara mae jayvu majare, maje curajiyepa aivu me Jümenijicui jánore, ñi jina mae boje. <sup>8</sup>Aru ácu póecu ju abecu baru iye ñuje bueiyede, ju abenidui ñi apecu póecu bueiyede. Quéhora ju abebi ñi Jümenijicui yáviyede, ñai daroyu mujare ñai Espiritu Santore. <sup>9</sup>Iye muje uede muje bajumia toivabenajivubu ñija. Muja me urivubu muje bajumia. Que baru diede toivaiye javevu ñujare. Javede Jümenijicuvacari majicaibi mujare, Jesúre ju aipóevare, jauróre muje bajumia uede. <sup>10</sup>Nopedeca mujacapuravu cainumua urivubu ina Jesúre ju aipóevare, caino Macedonia ámicurijoborócvure. Paruróreca jéniaivubu ñija mujare, muje urajiyepa aivu yópe Jümenijicui uróre pueno baju cainumua. <sup>11-12</sup>Caiye muje ñaiyeyepa

püeno ðajarã, cãrijimevva curãjivvü apevvue. Ðaicõjemejara apevvere aipe ðaive jaurore náre ne ðaivede. Memejara mûja coapa, cvarãjivvü mûje ãivede, mûje curiñamiare, aru caiye apede mûjare jauéde máre. Yópe iye ñuje ðaicõjeiyepe mûjare caride, nopedeca ðaicõjekarã mûjare jipocamia, ina Jesúre ju abevvü ne pueðarãjiiyepe aivvü mûjare me, mûje corebe boje apevü ne jiyede mûjare jauéde, aru ye jaubequiyepe aivvü mûjare.

**Maje jabocü Jesús ñi copaidaquino**

*(Mt 24.30-31, 43; Mr 13.26-27; Lc 12.39; Ro 13.12; 1 Co 15.51-52; Ef 6.13-17; 2 P 3.10)*

<sup>13</sup>Mûja, ñujevü, vvvü ñuja mûje majinajiyede jãve aipe vaivüre ina Jesúre ju aipõeva yaivvü bãcavüre. Chïomejara mûja mûjevü ju aipõeva yaivvü bãcavü boje yópe ina ju abevvü ne chïoiyepe, ne napini corebe boje jãravvü cüiméjãravvü baquinóre. <sup>14</sup>Coreóvaivvübu maja yaivyú bãcure Jesús, aru nacajañü mácure yainore jarvvari. Que baru coreóvaive javvü majare nacovacvüre Jümenijicüre ina Jesúre ju aipõeva yaivvü bãcavüre Jesús ñi copaidaiquiyede ijãravvü.

<sup>15</sup>Que baru caride ñuja covvüivvübu mûjare me iye Jesús ñi bueiye báquepe ñujare. Jesúre ju aipõeva arvüvü ijãravvü maje jabocü Jesúi copaidaiquijãravvü baquinóre covvü nvunenajaramu ñre ne jipocamia ina Jesúre ju aipõeva yaivvü bãcavüre jocarí. <sup>16</sup>Põeva jápiarãjarama covvüborí cõjeiyede; aru ángelevai jabocüi yávainore; aru Jümenijicüi japuyiore, trompeta ámicvüriyore, japuyiye pare bujiéde máre. Dinvmümiareca maje jabocü Jesúvacari étescuvvüme cavarõ mearo Jümenijicüi curõre jocarí. Aru ina Jesúre ju aipõeva yaivvü bãcavü nacajarajarama yainore jarvvari.

<sup>17</sup>No yóboi, maumena Jümenijicüi cõjijovacvüme ina Jesúre ju aipõeva arvüvüre cãreja ina ñi nacovaimara mácavvüque. Aru cüinátvü caivvü maja

covvü nuri jacovvürajaramu maje jabocü Jesúre ñmüi oopeniboa yebai. Que teni curãjaramu maja maje jabocü Jesúque cainvmüa. <sup>18</sup>Que baru chïomejara mûja. Covvüjarã iye borore, torojvure ðarãjivvü mûje bajumia.

**5** <sup>1</sup>Mûja, ñujevü, põescü cubebi majicü aipijãravvü jaurore aru aipe vaiquiyede maje jabocü Jesús ñi daquiye jipocare. Que baru toivaive javvüvü ñujare diede. <sup>2</sup>Mûjavacari coreóvaivvübu me maje jabocü Jesús copaidacvüre ijãravvüi põeva ne corebede, ñi copaidaiquinvvüre majibedeca yópe ñavaipõescü daiyepe ñamine põeva ne corebedeca. <sup>3</sup>Põeva, yópe arí, covvüridurãjarama ne bajumia: “Caino cãrijimene ðaivvü. Yéde jidubevü maja”, aridurãjarama. Aru ne nópe covvüriduiyedeca, cüinã bjarãjarama na. Ñájini búrãjarama maumejiena. Aru dupini majibenajarama na diede jocarí. Ñájinajarama na yópe ico juedocovacodo maumejiena ãmei ijiéde ñájiiyepe põedare ðacodo mamajicüre.

<sup>4</sup>Ûbenita mûja, ñujevü, mûjacarvüvü Jümenijicüre coreóvabevü ãmevü mûja. Aru ãmeina teivvü ãmevü mûja nápe, Jesúre ju abevvü, ñeminói curivvüre. Que baru mûje coreóvaive boje maje jabocü Jesús dacvüre, ñi cuavabescvüme mûjare ñi copaidaiyede ijãravvü, yópe ñavaipõescü ñi cuavaivepe cãramicavüre. <sup>5</sup>Caivvü mûja Jesúre ju aivvü majidivvüre ðaivvübu cainvmüa põeva ne jáinoi mûje ðaivede, mûje coreóvaive boje Jümenijicüre. Que baru caivvü mûja miadãroi curivvü jãravvüvüpebu. Maja Jesúre ju aivvü ðabevü cainvmüa majibeivvüre, ne coreóvabe boje Jümenijicüre põeva ne jáiyede maje ðaivede. Que baru ñamicavvü aru ñeminocavvü máre ãmevü maja. <sup>6</sup>Que baru dápiabenajarevü maja nápe, Jesúre ju abevvüre. Cãivvüpebu na. Quénora dápiarãjarevü maja me arvüvüre, me oaburí coreivvü maje bajure. <sup>7</sup>Naminocabu ina caivvü ne cãiyede. Aru ñaminocabu ina pacoteivvü ne pacoteiyede. <sup>8</sup>Ûbenita majacarpvüvü

coateivubu ina ñamicavure jaruvãrĩ. Aru ñeminoi cubevu maja. Quénora járavucavutamu maja. Aru miadároi cuivubu maja.

Que baru me ñaicõjeiye javvu maje bajure. Maje ju aye Jūmenijicure javvu majare aru maje ue apevure máre. Yópe ñarĩ taoivubu maja nópe churarava ne taoiyepe ne bajure járariçaje doicajeque. Aru javvu majare maje napini coreiye Jūmenijicui meadaquiyede. Nópe ñarĩ taoivubu maja yópe churarava ne taoiyepe ne jipobure járaribo moiboque. <sup>9</sup>Que baru Jūmenijicu epebebi majare ñájine ñacuyu. Quénora epeibi majare maje jabocu Jesucristoi meadaquiyeye ayu, ñájimemuri ámenaque. <sup>10</sup>Jesús yaidéjamedã majare boje, maje curãjiyepe ayu úque cainumua. Ina apurivũ cãreja aru ina yaivũ bãcavu máre ñi copaidaquiyede caivu maja cūináturu curãjaramu úque cainumua. <sup>11</sup>Que baru parure ñajarã muja pũeno baju cainumua, muje baju ju aiyede Jesúre parurõ nure ñaquiyepe aivu. Aru cañatejarã cainumua muje bajumia, nopedecca muje ñare ñuiyepe caride.

**Pablo ñi majicaino Jesúre ju aipõevare aipe ñaiye javurõre náre**  
(Fil 4.4, 6; Col 4.2-7)

<sup>12</sup>Muja, ñujevu, ñuja jēniaivubu parurõrecca mujare, muje pueñarãjiyepe aivu ina memecaivure maje jabocu Jesúre muje jēneboi. Nárecabu maje jabocu Jesúí epeimara, jabetenajivu aru majicarãjivu máre. Aru buenajivubu mujare aipe ñaiye javurõre, muje ñarãjiyepe aivu mearo maje jabocu Jesús ñi jáinoi. <sup>13</sup>Que baru pueñarã náre. Aru pare urã náre, ne cañateiye boje mujare. Cujarã muja cãrijimevũva mujevũque.

<sup>14</sup>Muja, ñujevu, ñuja jēniaivubu parurõrecca, muje ñarãjiyepe aivu yópe mujare javéde. Majicajarã ina memeiubevure, ne memenajiyeye

aivu. Torojure ñajarã ina jidubevure, ne jidubenajiyeye aivu. Cañatejarã ina chõivure, ne torojure ñarãjiyepe aivu ne ũmei. Aru napijara caivure.

<sup>15</sup>Аресу ñi ámeno ñaru cūinácũ mujacacure, ñabejacurĩ ámeno úre copũ. Quénora cainumua napini dápijarã muje ñarãjiyede mearore muje bajumia aru caivu põevaque máre.

<sup>16</sup>Torojũjarã muja muje ũmei. <sup>17</sup>Aru uetubevũva coyũjarã Jūmenijicũque. <sup>18</sup>Aipe vaiye vajãrõri mujare. Cainumua torojuede jíjarã Jūmenijicure. Jūmenijicu ũbi maje nópe ñaiyede, maje ju aye boje úre.

<sup>19</sup>Ñai Espírиту Santore maucuvabejarã muja ñi ñaiyurõre mujaque. <sup>20</sup>Jūmenijicui yáviyede coyucayiedeca jápiayubevure tebejarã muja. <sup>21</sup>Caiyede me jári coreõvãjarã muja. Aru coreõvarĩburu yóboi, ñajarã caiye méne. <sup>22</sup>Ubenita ñabejarã caiye ámene.

<sup>23</sup>Jūmenijicuvacari, cãrijimenoque cure ñayu põevare, cure ñajacurĩ mujare caivu meara baju. Aru corejacurĩ mujare coapa caivu, muje decocure, muje ũmene, aru muje bajure máre, muje boropatebenajiyeye aivu maje jabocu Jesucristoi copaidaquijãravũ baquinói. <sup>24</sup>Jūmenijicu cutuibi mujare ũ jina mãrajivũva. Aru cainumua ñayube yópe ñi aye báquepedeca. Que baru úvacari mearo ñacacuyume mujare.

**Pablo ñi meaicõjeino Tesalónicavure**

<sup>25</sup>Muja, ñujevu, jēniajara Jūmenijicũque ñujare. <sup>26</sup>Meaicõjeivubu ñuja caivu muja Jesúre ju aipõevare. Me jacoyũjarã muja mujevure, muje jivare nuri, muje Jūmenijicu jina mae boje. <sup>27</sup>Maje jabocu Jesús ñi jáinoi yu jári boroteicõjeivũ mujare iyoca paperayocare caivu mujevũ Jesúre ju aipõevare. <sup>28</sup>Me cujarã muja maje jabocu Jesucristo ñi mearo ñacaiye bojecubeda ñi me boje. Quénoram.